



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Sapientia

**Pinamonti, Giovanni Pietro
Segneri, Paolo**

Coloniae, Anno M.D.CCVI.

VD18 12664146

illata infinitæ Majestati divinæ,

[urn:nbn:de:hbz:466:1-50782](#)

an sit ratio dicendi tam intrepidè ;
non pecco, ut Deum offendam, sed ut
michi satisfaciam.

PUNCTUM II.

Quis sit offensus ?

3. *Nonne Dominus ipse, cui peccavimus.*
2. *Isaiæ 42. 24.*

II. **C**onsidera, Quis sit ille, quem
contemnis. Finge intellectui
tuo pulchitudinem tam excellentem,
quæ solo sui aspectu omnium rapiat
corda mortalium, ita ut vel semel eam
uno duntaxat momento intueri , sit
longè estimabilius , quam per multa
annorum secula frui omnibus hujus
mundi voluptatibus. Finge Majesta-
tem tam sublimem, cuius in obsequi-
um omnia perpeti tormenta plūs va-
leat, quam toti mundo dominati. Fin-
ge bonitatem tam immensam ; quam
unâ solum cogitatione offendere pe-
jus fit, quam re ipsâ in nihilum redi-
gere cœlos, naturam destruere univer-
sam. Atque his omnibus cogitatione
atque animo conceptis, quotam effen-
tiæ divinæ partem censes te attigisse ?

est

Consideratio I. 9

est enim-verò infinitè adhuc major omni eo, quod conceipere intellectus noster potest. Finge plures semper & plures perfectiones , eàsque centies, milliesque multiplica , arithmeticā proportionē eas compara stellis firmamentī, aëris atomis, guttis aquæ ; scito tamen, enormem hanc multitudinem, Dei perfectionibus collatam, infinitis modis adhuc esse minorem , quam sic exilis vermiculus , cum toto comparatus universo. Quid igitur animo concipis ; cùm Deum audis, quid putas hâc voce significari ? nempe fuisse omni tempore , occupare omnem locum, scire omnem veritatem, possidere perfectiones omnes, posse , quantum liber , omnibus denique bonis frui. Recte ais : hunc tu autem Dominum universorum , qui major est omni nostro cogitatu, melior omni eo ; quod usquam est, fons & origo rerum omnium , qui solo sui aspectu æternū reddere te beatum potest , hunc tu Deum peccato lethali probrosè laces sis? neque tamen expavescis ?

A 5 PUN-